



PËRMBAJTJA E PROJEKTIT:

Projekti "Ndiçimi i grupeve lokale të interesit në vendimmarrje në nivel qendror" është projekt që implementohet nga OJQ "Syri i Vizonit" nga Peja dhe i mbështetur nga USAID, përmes Programit për Fuqizimin e Shoqërisë Civile implementuar nga Instituti për Komunitete të Qëndrueshme (ISC). Qëllimi i projektit është të mundësojë ndikimin e grupeve lokale të interesit në vendimmarrje në nivel qendror gjatë hartimit të ligjeve, me fokusim prë të ndikuar në hartimin e Ligjit për Pyjet. Projekti synon që të krijohet një mekanizëm përtëndikuar në ligjet që janë miratuar ose do të miratohen në nivelin qendror; të fillohet ndonjë iniciativë nga grupet i interesit që vijnë nga niveli lokal dhe të bartën këto rekomandime të grupeve të interesit nga niveli lokal ne nivelin qendror.

Projekti niset nga fakti se Kosova ka sistem zgjedhor të përbërë nga vetëm një zonë zgjedhore, që nuk krijon lidhjen direkte mes deputetit dhe zonës ku është zgjidhur. Asnjë komunë nuk ka ndonjë zyrë për deputetet dhe përpasojë mundësia e kontaktit dhe ndikimit mbi Parlamentin nga niveli lokal është shumë i vogël.

Projekti i OJQ "Syri i Vizonit" synon të ndikojë në ligje që kanë ndikim konkretisht në komunat e rajonit: Pejë, Klinë, Deçan dhe Istog, në radhe të parë duke nënkuptuar legjislacionin për, pylltarinë, turizmin, ambientin etj. Nga këto komuna në Parlamentin e Kosovës ka 23 deputetë, shumica prej të cilëve shumë herë janë shprehur se janë të gatshëm, që nëse u kërkohet të vihen në shërbime të qytetarëve në rajonin prej nga vijnë.

NDIKIMI NË LIGJIN PËR PYJET

Bazuar në konkluzionet e forumit të parë me deputetët dhe komunat, Ligji për Pyjet është zgjedhur si ligji me interesin parësor përtëvepruar nga niveli lokal. Syri i Vizonit ka bartur tek komunat, ekspertët e tyre ligjorë dhe te drejtori të për bujqësi e pylltarë, kopjet e draftit që ka marrë nga ministria dhe komisioni parlamentar dhe ka përcjellë sugjerimet e tyre tek grupi punues për hartimin e ligjit.

Me gjetjet e takimeve me komunat, me debatet dhe sugjerimet nga të gjitha palët me interes, është krijuar një dokument që përbledhë në disa pika kërkuesat e nivelit lokal lidhur me përmbajtjen e ligjit të ri për pyjet, në të cilat ndër tjerë kërkohen kalimi i kompetencave të plota tek komunat për menaxhimin e pyjeve dhe pjesëmarrja e nivelit lokal gjatë hartimit të ligjit. Dokumenti është nënshkruar nga kryetarët e komunave Pejë, Deçan, Klinë dhe Istog dhe Syri i Vizonit ia ka dorëzuar Komisionit parlamentar për bujqësi, pylltarë e zhvillim rural.

Kërkesa kryesore që ne kemi bërë në emër të komunave ka qenë hartimi i një ligji të ri për pyjet pasi është parë e pamundur të bëhet plotësimi i ligjit ekzistues. Në muajin shkurt 2010 Parlamenti ka miratuar amendamentet në Ligjin për pyjet, me të cilat për herë të parë kompetencat për pyjet nga Ministria, kalojnë në nivel lokal, që ka qenë kërkesa më e parë që kanë bërë vazhdëmisht komunat. Pas kësaj Ministria e Bujqësisë ka filluar procedurën nga fillimi për hartimin e një ligji të ri për pyjet.

PROJEKTI NDIKIMI I GRUPEVE LOKALE TË INTERESIT NË VENDIMMARRJE NË NIVEL QENDROR





» NDIKIMI I GRUPEVE LOKALE TË INTERESIT NË VENDIMMARRJE NË NIVEL QENDROR



FORUMI LOKAL ME DEPUTETËT, KOMUNAT DHE SHOQËRINË CIVILE

Në mungesë të nismave nga niveli lokal, në mungesë të iniciativave që komunat t'u paraqesin kërkesat e tyre deputeteve nga komunat e veta dhe në mungesë të koordinimit më të mirë të shoqërisë civile dhe legjislativit, "Syri i Vizonit" në kuadër të këtij projekti ka kriuar një mekanizëm joformal të takimit mes deputetëve nga komunat e Pejës, Klinës, Deçanit dhe Istogut me katër kuvendet komunale, shoqërinë civile dhe qytetarët e rajonit.

Takimet mbahen në një periudhë 2-3 mujore. Takimi parë është mbajtur në 31 gusht 2009, takimi i dytë më 16 dhjetor, kurse takimi i tretë me 15 maj. Në takimi i parë pos daljes me rekomandime të përgjithshme, është përcaktuar tematika prioritare për të trajtuar me ekspertë. Për shkak të nevojës urgjente përcaktuar nga gjendja në terren dhe për shkak se komunat kanë kërkuar më shumë kompetenca në këtë sektor, në këtë takim është përzgjedhur ndikimi në Ligjin për Pyjet. Në takimet tjera është shikuar securia e kësaj problematike dhe plotësimi me tematika tjera në koordinim mes komunave, deputetëve dhe shoqërisë civile.

Në takime të ndryshme kanë marrë pjesë shumica e deputetëve, 16 nga 23 deputetët që vijnë nga ky rajon kanë qenë të përfshirë në takimet e organizuara në kuadër të këtij projekti, si dhe kryetarët e katër komunave, nënkyetarët, drejtoret e bujqësisë dhe sektorë të tjera. Përbajtja e takimit dhe konkluzionet iu janë shpërndarë edhe deputetëve tjerë, që kanë shtuar edhe komentet e tyre. Veç Ligjit për pyjet janë përcaktuar edhe tematika tjera të cilat kanë emër të nivelit lokal, deputetët i kanë bartur në Parlamentin e Kosovës.

ANGAZHIMI I EKSPERTËVE DHE PJSËMARRJA NË HARTIMIN E LIGJIT PËR PYJET

Për të analizuar kërkesat që vijnë nga niveli lokal lidhur me Ligjin për pyjet, por edh për punën e legjislativit kosovar, "Syri i vizonit" ka angazhuar një grup ekspertësh. Ata në disa takime analizojnë kërkesat që kanë ardhur dhe u japid atyre formën ligjore, të amendamenteve, etj.

Përveç ekspertëve të pavarur që angazhohen në disa takime, në një periudhë tremujore është angazhuar një ekspert i ligjeve, i cili ka marrë pjesë në grupin punues për hartimin e ligjit, në të cilin ai ka paraqitur interesat e shoqërisë civile dhe kërkesat e nivelit lokal në raport me përbajtjen e ligjit. Një pjesëtar i Syrit të Vizonit është pjesëmarrës në takimet e grupit punues për hartimin e ligjit në Ministrinë e bujqësisë si dhe në mbledhjet e Komisionit parlamentar për bujqësi e pylltarë.

Në mënyrë që qytetarët të jenë të informuar dhe procesi te ketë sa më shumë transparencë, janë mbajtur dy TV debate në televizionin lokal, Tv Dukagjini, në të cilat kanë marrë pjesë drejtuesit e Ministrisë së Bujqësia dhe Komisioni parlamentar për bujqësi e pylltarë, të cilët në debat me komunat dhe shoqërinë civile, kanë informuar për punën që po bëhet në hartimin e ligjit.

HAPJA E ZYRËS SË KONTAKTIT ME DEPUTETË NË PEJË

Me qëllim krijimin dhe mbajtjen e kontakteve mes deputetëve dhe qytetarëve të rajonit, "Syri i vizonit" ka hapur një zyrë ndërlidhëse mes qytetarëve dhe deputetëve. Zyra është hapur në dhjetor 2009 dhe ndodhet në ndërtesën e Komunës së Pejës, në katin e dytë numër 26, përballë zyrës së kryetarit të komunës dhe punon çdo ditë.

Kjo zyrë organizon takime të deputetëve me qytetarë, me termine një apo dy orësh gjatë të cilave deputeti pret qytetarët veç e veç dhe bashkëbisedon me ta për problemet e tyre. Në gjashtë muajt e parë zyra ka organizuar më se dhjetë takime për deputetë duke përfshirë takime për deputetët edhe në komunat Deçan dhe Istog. Nëpër takime kanë marrë pjesë dhjetëra qytetarë, që varësisht nga angazhimi i deputetit, kanë paraqitur problemet e tyre.

Veç kësaj zyra ndihmon kontaktet e autoriteteve lokale me deputetët, njësive të ndryshme në komuna, drejtoreve dhe zyrave, shoqërisë civile, organizatave të ndryshme joqeveritare dhe grupeve të interesit në rajon, për nevojat e të cilave zyra ofro materiale, dokumentacion, ligje, projektligje, procesverbale nga puna e Parlamentit, datat e mbledhjeve të parlamentit dhe komisioneve të tij, rendin e ditës në këto mbledhje, etj.